



12. august 2011

FM 2012/21
EM 2011/134

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-muuna saqqummiuppara:

Angajoqqaarsiat aamma ilaqtariit oqilisaasut meeqqanut paarisaminnut ilaquaanngitsut minnerpaamik 25-nik ukioqalereersimasarnissaat aalajangersaaffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartuni ilaasortaq Astrid Fleischer Rex, Demokraatit)

Tunngavilersuut

Kikkut tamarmik ilisimavaat akisussaafferujussusoq meerartaarneq, angajoqqaallu amerlanerpaat angajoqqaajunerat qujanartumik ajunngitsumik ingerlasarpoq, angajoqqaat meeraru ingerlalluartarlutik. Kisianni aamma angajoqqaarpaalussuaqarpoq, angajoqqaajulluarsinnaanngitsunik assigiinngitsut pissutigalugit, taamaattumik qitornatik allanut paaritittariaqartarpaa.

Angajoqqaaviit angajoqqaatut pisinnaanngikkaangata allat sulisariaqartarpuit. Maani Kalaallit Nunaanni qujanartumik ilaqpugut allat meeraannik paarserusuttartunik. Tamakku angajoqqaarsiatut imaluunniit ilaqtariittut oqilisaassisartutut ilisarisimaneqarput.

Demokraatini innuttaaqatigut akisussaaffik angisooq tigullugu allat meeraannik paarsisartut angisuumik qujamasuffigaagut. Isumaqarpugulli pineqartumi inatsit pitsaanerusinnaasoq, sumiluunniit allassimanngimmat angajoqqaarsiaasinnaasut minnerpaamik qassnik ukioqartariaqarnersut.

Ukiut kingulliit ingerlanerini qitornartaaqqaartartut nunarsuarmi tamarmik utoqqaaneruleriartorsimapput, aamma maani nunami taamaappoq. Arnat inuusuttut muteerniusut amerlasuutigut ilinniaqqaarusuttarput qitornartaartigatik. Demokraatit isumarpuit naapertorlugu tamanna pissusissamisoortumik Kalaallit Nunaanni ineriarneruvoq.

Taamaattumik ullutsinni inersimanerusarpugut qitornartaaraangatta. Taamaattoqarnera angajoqqaarsianngorsinnaaneq kiisalu oqilisaassisartuusinnaanermi atuuttariaqarpoq.

Demokraatini isumarpuit naapertorlugu ullutsinni inuusuttut ilaqtariinnut pilersuisunngorniarlutik ilinniarnerat, inerikkiartornerat, tulluuttumik initaarnissaat suliffeqalernissaallu, ukiunik arlalinnik sivisussuseqarsinnaasartoq. Taamaattumik ukiut killigititassat 25-nut killilerusupparput.

Amerlasuutigut meeqqat tarnikkut ajornartorsiutillet angajoqqaaniit arsaarinnissutigineqartarpuit, angajoqqaarsiaqarnissaminnik kiisalu oqilisaassisqarnissaminnik pisariaqartitsisut. Matumani Demokraatini aamma isumaqarpugut pisariaqartoq angajoqqaarsianngortussat inuunermut misilittagaqarnissaat, inuusuttullu amerlanersaat 18-niik 25-nut ukiullit taamatut misilittagaqanngillat.

Taamaattumik allat meeraanik paarsiniaraanni inuttut ilaqtariittullu inerissimalluartariaqarpoq, Demokraatinilu isumaqarpugut kikkut tamarmik taamaangitsut. Ilaqtariittut ingerlalluartuusariaqarpoq, aningaasaqaqrneq pitsaasuuusariaqarpoq, inuttullu inerissimasariaqarpoq taamatut meeqqamik angerlarsimaffimmik arsaarinmissutaasimasumik eqqisisimatisillunilu oqimaaqatigiissumik peroriartortitsissagaanni.

Siunnersuummi eqqarsaatigineqanngillat qatanngutit angujulliit imaluunniit ilaqtat, meeqqamik ilisarisimannereersut. Ilaqtariit meeqqamik paarsaqalersimappata, imminnut ilisarisimariissapput taamaattumik angajoqqaarsiaasut meeqqamut isumassuilluarnissaminnut tunngavissarissaartussaapput.

Aningaasatigut allaffissornikkullu pisortanut kingunissai.

Siunnersuutip aningaasatigut allaffissornikkullu pisortanut kinguneqarnissaa nalilerneqarpoq, inatsisissamut allannguutissaq suliarineqartussaammat, nutserneqarluni il.il. kingornalu tusarniutigineqarluni. Inatsisissatut siunnersuummik suliaqarnermi allaffimmi sulisut atorneqartussaassapput. Naatsorsuutigineqaporli inatsisitigut allannguutissaq ima mikitigisoq, suliarineqarnera pisinnaalluni Ilaqtariinnut, Kulturimut, Ilagiinnut aamma Naligiisitaanermut aningaasaliissutaareersut iluanni.

Aningaasatigut allaffissornikkullu namminersorlutik inuussutissarsiortunut kingunissai.

Siunnersuutip namminersorlutik inuussutissarsiortunut aningaasatigut allaffissornikkullu kinguneqarnavianngilaq.

Aningaasatigut allaffissornikkullu innuttaasunut kingunissai.

Siunnersuutip innuttaasunut aningaasatigut allaffissornikkullu kinguneqarnavianngilaq.

Taamatut oqaaseqarluta qilanaarpugut Naalakkersuisut akissuteqarnissaannut taamatullu partiit allat saqqummiussassaannut.